



Broj: 03-04-819-2/2026  
Bihać, 21.1.2026. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA UNSKO-SANSKOG KANTONA  
BIHAĆ

PREMIJER  
01/1-2-12-8/26

Organizacija	Klasifikaciona oznaka	Kodni broj	Broj priloga

SKUPŠTINA UNSKO-SANSKOG KANTONA

PREDMET: Godišnji plan rada Kantonalnog zavoda za pružanje besplatne pravne pomoći za 2026. godinu, dostavlja se

Na osnovu člana 96. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Godišnji plan rada Kantonalnog zavoda za pružanje besplatne pravne pomoći za 2026. godinu, uz sljedeće

### O b r a z l o ž e n j e

Vlada Unsko-sanskog kantona je na svojoj 3. sjednici, održanoj dana 21.1.2026. godine, razmatrala i Zaključkom broj: 03-02-44-44/2026 prihvatila Godišnji plan rada Kantonalnog zavoda za pružanje besplatne pravne pomoći za 2026. godinu te vam isti dostavljamo na razmatranje.

S poštovanjem.

Prilog: Godišnji plan rada Kantonalnog zavoda za pružanje besplatne pravne pomoći za 2026. godinu

Dostavljeno:  
1. Naslovu,  
2. a/a.





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 24. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije Bosne i Hercegovine“, broj 32/17), člana 12. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine Federacije Bosne i Hercegovine“, broj: 74/19 i 2/21), na prijedlog Kantonalnog zavoda za pružanje besplatne pravne pomoći, Vlada Unsko-sanskog kantona na 3. sjednici, održanoj dana 21.1.2026. godine, donosi

## ZAKLJUČAK

### I

Prihvata se Godišnji plan rada Kantonalnog zavoda za pružanje besplatne pravne pomoći za 2026. godinu i upućuje se Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-02-44-44/2026  
Bihać; 21.1.2026. godine



# **GODIŠNJI PLAN RADA KANTONALNOG ZAVODA ZA PRUŽANJE BESPLATNE PRAVNE POMOĆI, BIHAĆ**

**ZA 2026. GODINU**

## **1) Uvod**

**PLAN RADA** Kantonalnog zavoda za pružanje besplatne pravne pomoći, Bihać za 2026. godinu obuhvata poslove i osnovne zadatke Zavoda odnosno da se i nadalje obezbijedi stvaranje pravnog i institucionalnog okvira za uspostavljanje usklađenog sistema besplatne pravne pomoći u BiH, u građanskim, krivičnim i upravnim postupcima.

### **Vizija:**

Vizija Zavoda je da osigura jednaku pravnu zaštitu svim stanovnicima Kantona bez obzira na njihov socijalni status.

### **Misija:**

Misija Zavoda je da kroz efikasan rad u cijelosti osigura pravovremenu i kvalitetnu pravnu zaštitu socijalno ugroženog stanovništva, civilnim žrtvama rata, članovima uže porodice posebne kategorije civilnih žrtava rata, žrtvama nasilja tokom oružnog sukoba u BiH i tražiteljima azila, osobama pod supsidijarnom zaštitom, osobama u postupku protjerivanja, apatridima, osobama u riziku od apatridije, osobama bez identifikacionih dokumenata, žrtvama trgovinom ljudima kao i osobama migrantske populacije s obzirom da je unazad nekoliko godina izražena migracija stanovnika Pakistana, Avganistana i drugih zemalja kroz našu državu.

## **2) Osvrt na projekte i aktivnosti realizovane godišnjim planom rada za prethodnu kalendarsku godinu**

U prethodnoj kalendarskoj godini ovaj organ je ispunio planom utvrđene aktivnosti u dijelu koji striktno ovisi od rada uposlenika Zavoda. Naime, Zavod je u potpunosti odgovorio svim zahtjevima i potrebama građana koji su se obraćali radi pružanja besplatne pravne pomoći prilikom ostvarivanja i zaštite određenih prava pred nadležnim organima. Problemi koji se javljaju u dosadašnjem funcionisanju Zavoda odnose se uglavnom na činjenicu da najveći broj predmeta jesu parnični predmeti i da isti spadaju u kompleksnije sudske predmete, te da njihovo rješavanje zavisi od dinamike rada sudova (ovdje se misli na rokove i vremenski period potreban da se okonča jedan postupak). Zbog navedenog, izvjestan broj predmeta je u radu, u različitim fazama postupka pred organima odlučivanja te će se u istim predmetima kontinuirano nastaviti raditi i u narednoj kalendarskoj godini. Bitno je istaći da je Zavod u prethodnoj kalendarskoj godini, pored rada na konkretnim predmetima, poduzimao i aktivnosti na davanje pravnih savjeta (cca 1000 zahtjeva) što iziskuje dosta radnog vremena jer je to veoma složen i kompleksan posao, a kojim savjetima smanjuju se neosnovana pokretanja različitih postupaka, te samim tim i troškovi postupka, kao i opterećenost sudova. U toku 2025. godine ovaj Zavod zaprimio

je ukupno 146 zahtjeva od čega je pred nadležnim sudom pokrenuto 84 parničnih, 17 izvršnih, 2 krivična, 8 vanparnična postupka i 1 upravni spor, te 6 upravnih postupaka pred organima uprave, a po službenoj dužnosti ovaj Zavod samo u toku ove godine imao ulogu zastupnika u 28 krivičnih postupaka po službenoj dužnosti.

### **3) Kratak opis ključnih usmjerenja godišnjeg plana rada**

Kako bi Zavod realizovao svoju misiju, da kroz efikasan rad u cijelosti osigura pravovremenu i kvalitetnu pravnu zaštitu socijalno ugroženog stanovništva kao osobama kojima je besplatna pravna pomoć odobrena po statusu, kao i osobama migrantske populacije s obzirom da je unazada nekoliko godina izražena migracija stanovnika Pakistana, Alžira i dr. država, kroz našu državu, neophodno je planirati izvršenje Godišnjeg programa rada za 2026. godinu na način da će se besplatna pravna pomoć se pružiti korisnicima u postupcima u kojima se ostvaruju i štite njihova prava i na zakonu zasnovani interesi, a ti postupci su:

- a) upravni postupak,
- b) upravni spor,
- c) prekršajni postupak,
- d) parnični postupak,
- e) vanparnični postupak,
- f) izvršni i
- g) krivični postupak

Radna verzija trogodišnjeg plana rada za period 2026. – 2028. godina u skladu sa članom 11. stav (10) Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine objavljena je na web stranici kantona u cilju konsultacija sa socioekonomskim partnerima širom javnosti i dobivanja komentara i preporuka.

### **4) Opis institucionalnih kapaciteta sa analitičkim pregledom ključnih nedostataka i potreba organa uprave u odnosu na planirane mjere (programe) za naredni godišnji period**

Pravilnikom o unutrašnjoj organizaciji Katonalnog zavoda za pružanje besplatne pravne pomoći Bihać koji je usvojen Odlukom Vlade USK-a br. 03-017-2513/2018 od 16.07.2018. godine sistematizovana su tri radna mjesta pomoćnika direktora – pravnog zastupnika, od kojih su popunjena samo dva, dok direktor pored poslova rukovođenja obavlja i poslove pravnog zastupanja. Nadalje, istim Pravilnikom je sistematizovano i radno mjesto višeg referenta za kancelarijsko poslovanje i administrativno tehničke poslove koje je popunjeno, te radno mjesto stručnog saradnika koje je upražnjeno.

Ključni nedostaci koji mogu uticati na realizaciju planiranih mjera za naredni godišnji period su:

- Nedostatak usavršavanje pravnih zastupnika pohađanjem seminara i edukacija iz različitih oblasti prava s obzirom da je obaveza istih da pružaju pravnu pomoć savjesno i stručno u skladu s ustavom, zakonom i drugim propisima, te u cilju postizanja kvaliteta usluga koje pruža Zavod, kao i kontinuiranog praćenja novih i izmjena postojećih propisa, te praćenja sudske prakse.

## **5) Mogući problemi i rizici za realizaciju godišnjeg plana rada**

Probleme na koje Zavod može naići u toku realizacije ovog plana se ne mogu konkretizovati iz razloga što veoma mnogo spoljnih faktora utiče na realizaciju plana do kojih može doći. Dinamika zaprimanja zahtjeva ovisi isključivo o potrebama građana Unsko – sanskog kantona za ostvarivanja prava pred organima uprave kao i nadležnim sudom, kao i o činjenici koji građani ispunjavaju uvjete za ostvarivanje pružanja besplatne pravne pomoći. Nadalje, kao jedan od problema koji se mogu pojaviti prilikom pružanja besplatne pravne pomoći tražiteljima azila, osobama pod supsidijarnom zaštitom, osobama u postupku protjerivanja, apatridima, osobama u riziku od apatridije, osobama bez identifikacionih dokumenata, žrtvama trgovinom ljudima kao i osobama migrantske populacije jeste nedostatak novčanih sredstava za troškove prevođenja u eventualno vođenim postupcima.

## B. Glavni program

Naziv glavnog programa	Šifra glavnog programa	Izvori i iznosi planiranih finansijskih sredstava u KM	
		Izvori	Iznosi
Zastupanje i pružanje pravne pomoći socijalno-ugroženim kategorijama stanovništva	n/a	Budžetska sredstva	314.392
		Kreditna sredstva	0
		Sredstva EU	0
		Ostale donacije	0
		Ostala sredstva	0
	<b>Ukupno</b>	<b>314.392</b>	

Napomena: Glavni program rada se prenosi iz trogodišnjeg plana rada organa uprave

## B1. Programi(mjere) za implementaciju glavnog programa

Naziv programa (mjere)	Šifra programa	Indikatori	Polazna vrijednost	Ciljna godišnja vrijednost
1. Stručno zastupanje neukih stranaka u postupcima pred nadležnim organima	n/a	Broj predmeta	148 (2025.)	130
		Broj pravnih savjeta	1000 (2025.)	900

Napomena: Programi (mjere) i indikatori organa prenose se iz trogodišnjeg plana rada

## B2. Aktivnosti/projekti kojim se realizuju programi (mjere) iz tabele A1.

Redni broj i naziv programa (mjere) <sup>1</sup> (prenosi se iz tabele A1):						
1. Stručno zastupanje neukih stranaka u postupcima pred nadležnim organima						
Naziv strateškog dokumenta, oznaka strateškog cilja, prioriteta i mjere, čijoj realizaciji doprinosi program: -						
Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJJ <sup>2</sup>	Usvaja se <sup>3</sup> (Da/Ne)	Izvori i iznosi planiranih finansijskih sredstava u KM
						Izvori
1.1. Postupiti u parničnim, krivičnim, vanparničnim, izvršnim i prekršajnim postupcima, te u upravnom sporu pred nadležnim sudom	Kontinuirano	Postupljeno po svim zahtjevima od socijalno ugroženih građana i sve aktivnosti zastupanja pred nadležnim sudom provedene	Pravni zastupnici	-	Ne	Budžetska sredstva 177.350 Kreditna sredstva 0 Sredstva EU 0 Ostale donacije 0 Ostala sredstva 0 Ukupno 177.350
1.2. Postupiti u upravnim postupcima pred nadležnim organima uprave	Kontinuirano	Postupljeno po svim zahtjevima od socijalno ugroženih građana i sve aktivnosti zastupnja pred nadležnim organom uprave provedene	Pravni zastupnici	-	Ne	Budžetska sredstva 89.350 Kreditna sredstva 0 Sredstva EU 0 Ostale donacije 0 Ostala sredstva 0 Ukupno 89.350
1.3. Zaprimiti zahtjeve i izvršiti administrativne poslove	Kontinuirano	Izvršen prijem stranaka, obavljani svi administrativni poslovi i strankama dati odgovarajući pravni savjeti	Viši referent za kancelarijsko poslovanje i administrativno-tehničke poslove i Pravni zastupnici	-	Ne	Budžetska sredstva 47.692 Kreditna sredstva 0 Sredstva EU 0 Ostale donacije 0 Ostala sredstva 0 Ukupno 47.692



Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), na prijedlog Vlade Unsko-sanskog kantona, na \_\_\_\_\_ redovnoj sjednici održanoj dana \_\_\_\_\_ godine, Skupština Unsko-sanskog kantona, d o n o s i

## Z A K L J U Č A K

### I

Usvaja se Godišnji plan rada Kantonalnog zavoda za pružanje besplatne pravne pomoći za 2026. godinu.

### II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: \_\_\_\_\_/2026  
Bihać, \_\_\_\_\_ .2026. godine

PREDSJEDAVAJUĆI SKUPŠTINE  
UNSKO-SANSKOG KANTONA